

მშენებელი

№ 11

მ

ა

თ

რ

ა


ბ

ნ

1917

შინაარსი. უკანასკნელი; — ეშმაკი. ბიუროკრატ მთავრობაზე — შორიელი. ტრაური. გაზაფხული — ბლოკ აძე. ეველათ — ისტორიკოსი. ქვეყანა ხარობს — კოდო. ახალი

პოეზიის ნიმუში — შექანჯალეზული. მიმინილვა. პოლიტიკური დღიური. ქარქაბაზი — სასახლე. მიტინგი. მთავრობაზე. მინის ტრთა სხდომა.



სასახლის მიღამოს ბნელოდა.
სინათლეს არაფინ ვლოდა.
მაგრამ შა, იფეთქა რისხეითა

(თებერვლის ოცდაშვიდს რიცხვითა)
და იგი სასახლე ტანჯვისა
შყის გროფა შვიქენა ნაგვისა.

უკანასკნელი

ჩვენებს ცაზე ლხინი ჰქონდათ, ლხინი ქვეყნის გასაკვირი.
 ელვის ენთო ჩირალდნები, მების სცემდა ბუკ-საყვირი
 და მრისხანე ზეცის პირთან მიწის გულის შემაერთი
 მისთა ბედკრულ ბინადართა მხოლოდ კვენესა იყო ერთი

შავის ღრუბლით შემოსულრა მან ლაქვარდი ცისა არე
 მან მზის სხივი დაატყვევა, მან მოსტაცა ბადრი მთვარე
 და ცოდვებით განალოლი შავი ზეცის პირ-ქუშ ველზე
 შავის ფრთებით ქანაობდა შავ ღრუბელთა სარეცელზე..

ცოფიანი ქარიშხალი ღრღნიდა კლდეებს, ჰგლეჯდა მუხებს,
 მრისხანე ხმას უერთებდა მებს, ღრუბლებში დანაქუხებს
 და ჰაოსით შეიცვალა ჯოჯოხეთად შენამოსი
 სიმშვენე და ჰარმონია ქვეყნის ამა მიდამოსი.

ვინც იხილა ვგ ზეიში, ვინაც ნახა ეგ მეჯლიში
 სთქვა:—ეშმაკთა ბატონობას აღარა აქვს ზეცის შიში.
 იქ, უფსკრულში, სანთლის შუქი ეგრე ობლათ დაბარბაცებს.
 ამირანი აწ არსად სჩანს ზეცას ცეცხლს ვინ გამოსტაცებს?

და ჰა, აღსდგა ამირანი, ზეცის რისხვას არ უყურა...
 მადლიანი, მძელავრი ხელით გაადვივა იმან ქურა.
 აღი მოსკლა, გაარღვია მან შავ-ბნელი რიდე ცისა
 და კვლავ მოხვდა დედა მიწას სასიცოცხლო სხივი მზისა.

ეშმაკი.



ბიუროკრატ მთავრობაში

(ნეკროლოგი)

„27-го февраля въ 12 ночи скоропостижно скончался въ Петроградѣ Г-нъ Мтавро- бадзе“. (კერძო დეპეშა.)

აი, მოულოდნელი ცნობა, რომელმაც ძირ- ლიანათ შეარყია მთელი ჩვენი ცხოვრება.

ბატონებო, ჩვენი საყვარელი, ძვირფასი და უფიწყარი ბნი ბიუროკრატ მთავრობაძე აღარ ჯავს! ის უეცრად გარდაიცვალა ქალაქ პეტრო- ვადში 27 თებერვალს, ღამის თორმეტ საათზე.

ჩვენში ეგ სამწუხარო ცნობა 28 თებერვალს ეიღა ზემო აღნიშნულ რუსული დეპეშის სახით აუწერელს მწუხარებაში ჩაგვადგო. ელვის უმა- ლის მოედო თფილისის გულის ამაჩუყებელი ცნობა ათიოდ წუთის შემდეგ ყველას პირზე ბიუროკ- რატ მთავრობაძის ნეტარსენებული სახელი ეკერა.

- გაიგე კაცო?
- რა ამბავია?
- როგორ თუ რა ამბავია, მთავრობაძე მო- ღარა.

— ნუ თუ? უი საწყალო!
გაისმოდა ყოველი მხრივ და ხალხი მწარე მითით იმდულრებოდა. ასე კარგია, პატივცემ- ლნო მკითხველნო, ვინაც სიცოცხლეში კეთილ ღლსა სთესავს. მას სიკვდილის შემდეგ სიყვარუ- ს ცრემლით მორწყავენ და დიდების სხივით შე- ლავენ.

მართლაც ვინ დააფასებს, თუნდაც დაახლოე- ვინ გაზომავს იმ ღვაწლს, რომელიც ჩვენს ღმრთე- ღმე მიუძღვის ახლად გარდაცვალებულ ბ- ნ ბიუროკრატ მთავრობაძეს?

რასაკვირველია ვერავინ.
ვინ გაასწორებს ჩვენს წერილებს, პატივცემუ- ღმე მკითხველო და ვინ ამოჩხრეკს იქიდან საქირო- ღმეებს, თუ არ ბ-ნი მთავრობაძე?

ვინ გაუწევს მცველობას ჩვენს ძმებსა, მამებ- ღმეებს შეილებს ციხეებსა და საპყრობილოებში? თუ დაუღალავი ჩვენი მთავრობაძე?

ვინ მოგვიწყობს უფასო ექსკურსიებს ჩვენი

ქვეყნიდან შორეული ციშბირისაკენ თუ არ იგივე ბიუროკრატ მთავრობაძე?

ვინ შეუწყობს ხელს წვრილმან და მსხვილმან მოხელეებს ჯამაგირს გარდა ცოტა გამოსარჩენიც იქონიონ, თუ არ განსვენებული მთავრობაძე?

ვინ შეაგნებინებს სხვა და სხვა ეროვნებებს რომ მათ უნდა სჭამონ ერთმანეთი და ძირი უთხა- რონ მეზობლის კეთილდღეობას, თუ არ ეგრე უდ- როოთ გარდაცვალებული ბ-ნი მთავრობაძე?

ვინ დაამშვიდებს დამშეულსა და ვინ დაამშევს დამშვიდებულ ხალხს ისე, როგორც ამას იქმოდა ჩვენი სათაყვანებელი ბიუროკრატ მთავრობაძე?

ვინ დასწვავს და დაბუგავს მოძველებულ და- ბა-ქალაქებს, როგორც ამას ხშირათ შევბოდა ნე- ტარ ხსენებული ბიუროკრატ მთავრობაძე?

ვინ დახურავს სასწავლებლებს, სბზოგადოებებს, სახალხო თეატრებსა და უნივერსიტეტებს ისე ხე- ლოვნურათ, როგორც ამას ბ-ნი მთავრობაძე შეე- ბოდა?

ვინღა დახვრეტს იმდენ გაფიცულ მუშებს და ვინღა ჩამოახრჩობს იმდენ ხალხს, რასაც ბიუროკ- რატ მთავრობაძის დაუღალავი ხელი ასდიოდა?

ბატონებო! ჩვენი მწუხარება განუზომელი იქ- ნებოდა რომ ერთი იმედი არ გვასულდგმულვბდეს. ვის არ მოეხსენება, რომ განსვენებულ ბიუროკრატ მთავრობაძეს დარჩა დიდძალი მემკვიდრეები. ხუ- ლიგან ბიუროკრატის ძე მთავრობაძე, უფროსი შვილი განსვენებულისა, მამის სიცოცხლეშიაც უდი- დეს იმედებს იძლეოდა. ჩვენ იმედი უნდა ვიქო- ნიოთ, რომ ბ-ნ მთავრობაძის ჯერ კიდევ გაუცი- ვებელ გვამთან შემოკრბებიან მისნი მემკვიდრენი ხულიგან ბიუროკრატის ძე მთავრობაძის ხელ მძღვა- ნელობით და შეეცდებიან მამის მემკვიდრეობის აღდგენას.

აი სწორეთ ეს გარემოება აღვიძებს ჩვენში მცირეოდენ იმედს და დარწმუნებული ვართ ყოვე- ლო გონიერი მკითხველი მიიღებს ყოველგვარ ღო- ნისძიებას რათა განსვენებულის მემკვიდრეთ, თუ კი ასეთები გამოჩნდებიან, სრულად მიეწყოს ის, რის ღირსნიც არიან და რაიც ასე სამართლიანად დაიმსახურა ნეტარსენებულმა ბ-ნმა ბიუროკრატ მთავრობაძემ.

მორიელი.

ბ-ნი ეშმაკი, მორიელი და კოლო; გულ მოკლული ცენსორი ჩვენი, ღრმად დამწუსარებული რედაქტორი „ეშმაკის მათრახისა“ და ცრემლ შეუპრობელნი გამომცემელნი მისნი გულითხდის მწუსარებით აუწებენ ნათესავთ და ნაცნობთ, რომ უდროთ გარდაიცვალა ზირველის, მეორის და მესამის, ნათლია, მეოთხის ძამა კეთილი, მესუთის „მთარველი“ მეექვსისა და მეშვიდის ჭირისუფალი.

ბიუროკრატ დესპოტიზმი მთავრობაში


ზანაშვიდები ეოველ დღე ჟურნალის რედაქციაში. დაკრძალვის დღე ცალკე იქნება გამოცხადებული. მიიღებს სამკლოვიარო ლექსები და წერილები.

გ ა ზ ა უ ხ უ ლ ი

სულთ მობრძავია ზამთარი,
 აღრე დღე დაებინდება.
 გაზაფხულს პირი მოუჩანს,—
 მაღლი მის გამჩენს, დიდება.
 ჩრდილოს დაჰქროლა ნიავემა,
 სიცოცხლე აღარ ყინდება
 და ჩატკბილ ხმა ბუღბუღლებას
 სამხრეთი ბანით ჰპირდება.

გული დაჰფერა სიამემ
 ენგი მას არ ეკიდება;
 ვხედავ იღვიძებს ბუნება
 სიკვდილი აღარ მინდება.
 თუმც გაცრცვნილ ამა სიცოცხლეს
 ეს წამლად არ ეხიდება
 და წუთიერი სიამე
 მთელ შვებად არ იყიდება,
 მარა რა ექნა, რომ ოცნება
 ზოგ-ზოგჯერ ამიხირდება,—
 რომ ერთი მერცხლის ქიკქიკი
 მე მთელ გაზაფხულს მპირდება
 და ამ ოცნებით გულის თქმა
 გამი ქვა-კაჟ-კლდე-კირდება.

ა. ბლიკვაძე.



ე უ ვ ე ლ ა თ

(ისტორიული სპრავკა)

გაზეთ „სახალხო ფურცლის“ მე 812 ნომრის
 მეთაურ წერილში სწორეთ აი ეს სიტყვები
 სწერია:

„ამსხნაგებს!*) დიადი დრო დაგვიდგა, არა-
 ჩვეულებრივი მდგომარეობა შეიქმნა. ქველა

*) ძველი ფედერალისტები ამ სიტყვას სასაცილოდ
 იგდებდნ და ხმარობდნ სიტყვა „მეგობარს“.

შაფრობა უუფლებობისა, ჩაგრისა და შტარ-
 ვალობისა ძიარს დაეცა. ჩვენ აქამდე ჯურ-
 ღმულეებში მიმალულებს, დევნილებს;
 ჩვენ, რომელთაც სულს გვიხუთავდა ძვე-
 ლი რეჟიმი და საშუალება არ გვქონდა სმის
 ამოღებისა დღეს დაგვიდგა დრო მზის სი-
 ნათლევზე ამოხვლისა“.

ღრმა ტრადიციული სიტყვებია და საჭიროთ
 მიმართია მათი მნიშვნელობა ჩვენი მკითხველისათვი-
 საც გავხადო ხელ-მისაწვდომი.

„ჯურღმულეებს“ რომლებშიაც მართლაც ხში-
 რად უხდებოდა სოც. ფედერალისტებს ყოფნა, ჩვე-
 ულებრივ ქართულ ენაზე „ღვინის სარდაფებს“
 ეძახიან. ეს დაწესებულება მართლაც კარგა ღრმით
 არის მიწაში მოთავსებული, საკმარისად ბნელი და
 ცივია. ასეთ „ჯურღმულეებში“ ერთი მხრით აწყვია
 უზარ-მაზარი ბოქვები და რუმბები ღვინით. იქვე
 ახლოს არის დაზგა, რომელზედაც აწყვია მრავალ-
 გვარი სამხიო სანოვაგე: ბატკნის ბარკლები, შემწ-
 ვარი გოკი, სუკი, ბასტურმის სამწვადე, მოხარშუ-
 ლი და შემწვარი თევზეულობა, შემწვარი ინდოუ-
 რი, მრგვალად მოხარშული ქათმები, მწვანილეუ-
 ლობა და სხვა და სხვა.

ასეთი ჯურღმული უმეტეს ნაწილათ ბნელი
 და ჭუჭყიანია, მაგრამ თავისუფლებაც შედარებით
 მეტია იქ, ვიდრე ზევით, მზის გულსა და სინათ-
 ლეზე. ფედერალისტები იქ ყოველთვის ფხიზელნი
 და ჯანსაღნი ჩადიოდენ, მაგრამ იქიდან ზედმეტი
 შრომისაგან მოქანცულნი და დარეტიანებულნი
 ბრუნდებოდენ. სულს ვერ წავიწყებენდ, უნდა ვსთქვა
 რომ ეს ერთად ერთი ალაგი იყო, სადაც ფედერა-
 ლისტები ხშირ-ხშირად იგონებდნ სამშობლოს და
 ასე წარმოიდგინეთ თავისუფლებისათვის ბებრძო-
 ლადაც.

როდესაც „ჯურღმულეებიდან“ დაბრუნებული
 ფედერალისტები გზა და გზა გამვლელთა ცხვირ-
 ბის სწორებას შეუდგებოდნენ ხოლმე, ძველი დეს-
 პოტიური პოლიცია მათ მთვრალეებად სთვლიდა
 და სდევნიდა. შეუგნებელმა პოლიციამ რა იცოდა,
 თუ საქმე „ჯურღმულიდან“ დაბრუნებულ და საქ-
 ვეყნო საქმით მოქანცულ სოციალისტებთან ჰქონ-
 და?.. ალბათ სწორეთ ამ გარემოებით აიხსნება მე-
 თაურში ნახშიარი სიტყვა „დევნილი“ ახლა დროე-

ბა იცვალა. ძველი მთავრობა დაეცა და ფედერა-
ლისტებიც თავისუფლად ამოდინა მზის სინათლეზე.
აშკარაა პოლიტიკელთა მოხსნა უდიდეს რეფორმად
უნდა ჩაითვალოს აღნიშნულ პარტიისათვის, ვინაი-

დან „ჯურღმულებიდან“ მზის სინათლეზე ამოსული
და სახლისაკენ ბარბაცით მიმავალთ ხელს არაფერი
ახლებს.

ისტორიკოსი.

ქვეყანა ხარობს

(ინტერვიუ)

ქვეყანა ხარობს. ეშმაკს ცხვირი ჩამოუშვია.

მიველ და ვკითხე:

— რა ამბავი მოხდა, ბიძია,

რომ ამ სახალხო დღესასწაულს გამოქცევინა
და აქ მარტოკა, მოწყენილათ და ობლათ ზიხარ?

თითქო მას ჩემი სიახლოვე არც გაუგია...

ისე მომიგო, თავი მადლა არ აულია:

— შიში წყვეული ჩემს არსებას შემოეპარა...

როს ყველა ჰხარობს, მე მაშინაც არ გამახარა.

ამბობენ: „მოგვცეს ქართველებსო სიტყვის უფლება“

და მე კი ჩვენში მოქალაქე მცირე მგვლევება,

რომ ნება მისცე ლაპარაკის განუსაზღვრელი

და იმან შემდეგ რამე საქმეს მოჰკიდოს ხელი.

კოლა

მიმოხილვა

(ჟურნალ გაზეთებიდან)

„ციხე შიგნიდან გატყდება“ მართალი ნა-
თქვამია!

ქართველ არტისტების ჩივილმა გული გააწყალა:

„გვიჭირს, მშვიტები ვართ, გვცივა, ჯამაგირები

ცოტა გვეძლევა და იმასაც თავის დროზე ვერ ვი-
ღებთ... დაუქნით, ჩამოვხმით!..“

ჩვენც გვეჯეროდა და მათი საცოდობით ვი-
წოდით...

აქ-კი თურმე, ნუ იტყვი, რუსები რომ ამბო-
ბენ **Съ жиру рѣшатся...**


ვანო ბარველს მეტის სიმსუქნისაგან გულზე
ქონი გადაბლანდვია და შიგ ჩაუკლავს თუ რამ
განაჩდა კეთილშობილური გრძნობანი.

(თეატრი და ცხოვ. №9 იხი. ვანო ბარვე-
ლი * * *)

მ ი ტ ი ნ გ ი



- 1 ორატორი. მოქალაქენო! უმთავრესი საქმეა არ აღელდეთ, მშვიდობიანობა დაიცვათ.
 - 2 ორატორი. ჩემი პირველი ობოვნა თქვენდამი, მოქალაქენო, ორი სიტყვით გამოითქმის: მეტი სიდინჯე!
 - 3 ორატორი. შევიკავოთ და დავიმორჩილოთ მდელეარება: აი რას გირჩევთ მოქალაქენო.
 - 4 ორატორი. ძირს მდელეარება, გაუმარჯოს სიდინჯეს! აი ჩემი უმთავრესი ლოზუნგი!
- ბ-ნ მოქალაქეს კი არ ემჩნევა მაინცა და მაინც დიდი მდელეარება.



- 1 მუშა. ნეტა ვინ უნდა იყოს ვერე საშინლათ რო ყარს ეგ მიცვალეზული?
- 2 მუშა. ეს ჩვენი ძველი ნაცნობი ბ-ნი მთავრობაძეა.

მ რ თ ი მ ა თ რ ა ნ ი*)



სასურსათო საკითხი

შარშან წინ იმერეთში დიდი შიმშილობა იყო და მთავრობამ ხალხს სესხად სმინდი მისცა. ამ კარიკატურაზე გამოხატულია სიუხვე დახმარებისა. მიზეზი კარიკატურის დაჭერისა იყო ის პატარა ნიშანი ქუღზე, რომელსაც „კაკარდა“ ეწოდება და რაიც ვგრე რიგათ უყვართ ზოგიერთა სოფლის მასწავლებლებს. ცენზურამ კაკარდის წაშლა მოგვთხოვა. ჩვენ ეს არა ვქენით, ვინაიდან სწორეთ კაკარდა იყო მაჩვენებელი მთავრობის მოხელეობისა. სურათი დაიჭირეს.

აქედან პატივცემული მკითხველი მიხვდებათუ რა მნიშველობა ჰქონია კაკარდას!

*) ამ სათაურით „ეშმაკის მათრახში“ დრო და დრო მოვითავსებთ იმ სურათებს, რომელიც წინათ ცენზურისაგან აკრძალული იყო.

მოდი შენა და დაიჯერე მაგათი ჩივილი!
ან იქნებ ეს პროვოკაცია იყოს?!
ეს უფრო დასაჯერია!

ვანო ბარველს სიმსუქნისაგან შეიძლება გულზე კი არა, ტვინზედაც გადაკრული ჰქონდეს ქონი, მაგრამ ვასო აბაშიძის ქონი-კი-ვერ წარმოგვიდგენია.

ვასო აბაშიძე მთლად რომ გადაადნო მისი ქონით ერთ რწყილსაც ვერ მოხრავავ, არა თუ გულზე გადასაფარებლათ ეყოს...

ეს წმინდა წყლის პროვოკაციაა!..

საქიროა ზომების მიღება რომ ბარველმა სხვა დარიგშიაც არ გაუწიოს ამხანაგებს პროვოკაცია..

„ქ-ნმა მერაბიშვილმა გემნაზის ადმინისტრაციას კინაღამ თვალეები გამოკაწრა ჩემი შვილი რად ჩასწერეთ მერაბიშვილად და არა მერაბოვათ-ო“ („სახალ. ფურც.“ №803) ჩემი საქმე რომ იყოს ამ ქალბატონს ქუთათურ ექიმ მეფარიანზე დავწერდი ჯვარს... ეს ორნი ერთად მშვენიერ შვილებს აღუზრდიდენ საზოგადოებას!..

ახალი კოეზიის ნიშუაები

ჯღეჩიანი კრუხი

(ძღვნად ფუტურისტებს)

დაქლექდა კრუხი, სამიკვირა ის აზის კვერცხებს,
გამოსჩეკს წიწილთ და საბრალო მალე ფეხს გასცხებს,
მოკვდება კრუხი, კრუხი ნაზი და შავთვალწარბა,
მაგრამ... ახ—არა! მან მოლოდინს გადააქარბა:
წიწილებიც ჰყავს, დღესაც სცოცხლობს ლამაზი კრუხი,
და ეფინება ეზოს მისი ბნელი რუხრუხი...
გარს-ეხვევიან წიწილები შავ,—ყვითელ,—რუხი...
წიწილებს უხმობს, საკვებს სძებნის სანაგვეს ქექით,
მაგრამ დღეს თუ ხვალ ის მოკვდება ყვითელი ქლექით.
წიწილთა ტრფობამ დააქლექა კრუხი საწყალი,
კვერცხებზე მჯდომი სიცხემ დასწვა, სწყუროდა წყალი,
იგი, ვით დედა შეეწირა ფეხცელქ წიწილებს...
და სანამ სცოცხლობს იმათ მაინც ველარ იცილებს.
მაგრამ სანამდუ?! დაეცემა ფრთებ დაღეწილი,
ცხარე ცრემლებით დაიტირებს ყველა წიწილი,
ბრბოს კი, რა ნახავს, აუტყდება მწვანე სიცილი...
მე მოვალ მაშინ და ვაკოცებ ტუჩ გაცრეცილი...

შექანჯალეზული.

პოლიტიკური კალენდარი

25 თებერვალი.

პეტროგრაღში*) პური აღარ აღმოჩნდა. ამ ნიადაგზე ხალხში მღელვარება დაიწყო.

მთავრობამ, (ძველმა. საუკუნო განსასვენებელი დაუმკვიდროს მეუფემ) ჩვეულებისამებრ გულკეთილობა გამოიჩინა და „ცხელი პურის“ მაგიერ დამშეულ ხალხს „ცხელი ტყვია“ შესთავაზა. მაგრამ, წარმოიდგინეთ, ხალხი არ დაკმაყოფილდა. მღელვარება გაგრძელდა.

— დეპუტატებმა მიმართეს როძიანკოს შუამდგომლობა აღეძრა მთავრობის წინაშე, რათა იარაღი არ ეხმარათ პოლიციელებს აღელვებული ხალხის წინააღმდეგ, მაგრამ მთავრობამ ცხადია უკეთ იცოდა ხალხს რა მოუხდებოდა. პური, თუ ტყვია. გამოცდილი ჰქონდა.

26 თებერვალი.

მთავრობამ (აწ განსვენებულმა) ჩინებულათ იცოდა—ქართული ანდაზა: „არამკითხე მეამბეო, მისტყუებ და მიაგდეო“.

უმაღლესი ბრძანებით დათხოვნილ იქნა დუმა და სახელმწიფო საბჭო. საკანონმდებლო დაწესებულებათა მუშაობა ამ სესიაში 12 დღე გაგრძელდა.

— სახ. დუმის უხუცესთა საბჭომ დაადგინა არ დაემორჩილოს მეფის განკარგულებას და დუმის მუშაობა არ შესწყვიტოს.

— როძიანკომ დეპუტატთა მიმართა მეფეს. ამცნო ქალაქში მომხდარი ამბოხება და სთხოვა ახალი კაბინეტის შედგენა მიენდო ხალხის ნდობით აღ-

*) პეტროგრაღი ჩვენში (ქ. თფილისში) რესტორანს ეწოდება, მაგრამ იქ, სადაც ეს ამბავი მოხდა, დღეი ქალაქია ორი მილიონი მცხოვრებით.

ჭურვილი პირისათვის. წინააღმდეგ შემთხვევაში ხალხის რისხვის წინაშე პასუხის მგებელი გახდებოდა.

— სახ. დუმაში დეპუტატებს შეუწყვეტელი სხდომა აქვთ. იმუშავებენ ზომებს ძველი მთავრობას დასამხობათ და ახალი დროებითი მთავრობის შესადგენათ.

— პეტროგრაღის ქუჩებში ბრძოლა რევოლიუციონერთა და ძველი მთავრობის მომხრეთა შორის. რევოლიუციონერებმა დაანგრიეს და ცეცხლს მისცეს საპოლიციო უბნები, სასამართლო შენობა და საიდუმლო პოლიციის დაწესებულება.

27 თებერვალი.

სახელმწიფო საბჭოს წევრებმა დეპეშა გაუგზავნეს მეფეს და სთხოვეს: გადაეყენებია ძველი სამინისტრო, მოეწვია საკანონმდებლო დაწესებულებანი და ხალხის ნდობით აღჭურვილი პირისათვის მიენდო ახალი სამინისტროს შედგენა. მაგრამ ყოველივე ეს დარჩა „ხმად მალაღადებლისა უდაბნოსა შინა.“

— დამის 12 საათზე საბოლოო შესდგა სახელმწიფო დუმის აღმასრულებელი*) კომიტეტი. კომიტეტში შევიდნენ: როძიანკო, კერენსკი, ჩხეიძე, შულგინი, მილიუკოვი, კარაულოვი, კონავალოვი, დმიტრიუკოვი, რუევსკი, შიდლოვსკი, ნეკრასოვი და ლვოვი.

— როძიანკომ მოწოდება გამოსცა ჯარისა და ფლოტისადმი, რომლითაც ამცნო მათ სახელმწიფოს წეს-წყობილების განახლება და ძველი მთავრობის დამხობა.

სიტყვა „დამხობა“ ისე უნდა გავიგოთ, როგორც გადმოპირქვაება. შეიძლება დამხობილი ჭურჭელი გადმოპრუნდეს, რის წინააღმდეგ საჭიროა განსაკუთრებული ზომები.

*) სიტყვა „აღმასრულებელი“ ჩვენ უნდა გავიგოთ ასე: მოახლოვდა აღმასრულებელი ძველი მთავრობისა და ამ კომიტეტს ბოლო უნდა მოეღო მისთვის.

1 მარტი.

სამწუხაროთ თებერვალს წელს ერთი დღე აკლდა, ამიტომ ერთი დღით ნაკლები ზიანი მიაღდა ძველ მთავრობას.

— სახ. დუმის აღმ. კომიტეტმა და მუშათა დეპუტატების საბჭომ მოწოდება გამოსცეს ხალხისადმი, რომელშიც აღნიშნეს მომხდარა სახელმწიფო გადატრიალების მნიშვნელობა და სთხოვეს დახმარებოდნენ რევოლიუციონურ ჯარს.

„სიტყვა „გადატრიალება“ მრავალი მნიშვნელობით შეიძლება იხმაროს კაცმა. ამ შემთხვევაში უკუღმადან წაღმა შებრუნებას ნიშნავს.

— აღმასრულებელი კომიტეტის დადგენილებით დაინიშნენ განსაკუთრებული კომისარები, რომლებმაც იკისრეს სამინისტროების დროებით მართვა-გამგეობა.

— იუსტიციის სამინისტროს კომისარებმა მაკლაკოვმა და აჯემოვმა, იუსტიციის მინისტრის კერენსკის თანხმობით განკარგულება მოახდინეს: 1) დაუყონებლივ დააბრუნონ და განსაკუთრებული პატივის ცემით მოიყვანონ პეტროგრადში ს. დ. ფრაქციის დასჯილი დეპუტატები 2) ებრაელებს ნება მიეცეთ ვეჭილთა წოდებაში ჩარიცხვის, 3) გაანთავისთფლონ ყველა პოლიტიკური ტუსადები 4) სამოსამართლო პალატების პროკურორებს აეკრძალოთ პოლიტიკური დანაშაულობისთვის პასუხის ვებაში მიცემა.

— დროებითი მთავრობა დაეპატრონა პეტროგრადის დეპეშათა სააგენტოს და მისი ხელმძღვანელობა მიანდო სახ. დუმის წევრს გრონსკის.

— დაატუსადეს და თავრიდის სასახლეში მიიყვანეს ყოფილი მინისტრთა საბჭოს თავმჯდომარე გორემიკინი, რომელიც საბარგო *) ავტომობილით აპირებდა გაპარვას.

*) საბარგო ავტომობილით იშიტომ აპირებდა, რომ მოხუც მინისტრს დიდძალი ცოდვები ქქანდა თან წასაღები.

— საფრანგეთისა და ინგლისის ელჩებმა ახალი რევოლიუციონური მთავრობა კანონიერათ იცვენეს და საქმე დაიჭირეს მასთან.

— აფიცერთა კრებამ მოსკოვში მუშათა დეპუტატების საბჭოსთან ერთად კომიტეტი აირჩია, რომელსაც მიენდო ქალაქში მშვიდობიანობის დაცვა. ჯარებისა და მილიციონერთა უფროსათ დასაერობო გამგეობის თავმჯდომარე პოლკოვნიკი გრუზინოვია. კომიტეტმა დაატუსაღა მოსკოვის ჯარების უფროსი გროზოვსკი. ბუტირის ციხიდან გაანთავისუფლეს ტუსადები.

— თფილისში ყველა ერთმანეთს ულოცავდა ბ-ნი მთავრობაძის გარდაცვალებას, რომლის შესახებ წინლამით ცნობა მოვიდა.

2 მარტი.

— მეფის რწმუნებულმა ნიკოლოზ ნიკოლოზისძემ დეპეშით სთხოვა მეფეს დათანხმებულიყო რომიანკოს წინადადებაზე და ხალხის ნდობით აღჭურვილი სამინისტრო შეედგინა.

— პეტროგრადში დაატუსადეს ძველი მთავრობის წარმომადგენელი. დატყვევებული სუხმიონოვი პრაპორშიკმა და მეზღვაურმა დუმაში მიიყვანეს. ხალხის და ჯარის მოთხოვნით მას გენერლის პაგონები ააგლიჯეს და ციხეში გაგზავნეს.

— რევოლიუციონურ მთავრობას მორჩილება გამოუცხადა გვარდიელთა პოლკმა, რომელიც ფრონტიდან განგებ გამოიწვია მეფემ რევოლიუციონურ მთავრობასთან შესაბრძოლველათ.

— აღმასრულებელმა კომიტეტმა შეადგინა ახალი მთავრობა. (სამინისტრო). მასში შედიან შემდეგი პირები: გ. ე. ლვოვი, პ. მილიუკოვი, ა. კერენსკი, ნეკრასოვი, კონოვალოვი, მანუილოვი, გუჩკოვი, შინგარიევი, ტერეშჩენკო, გოდნევი და ვ. ლვოვი.

— მოსკოვში დაპატიმრეს პოლიციელები და ძველი მთავრობის მომხრეები. გაიმართა დიდი მანიფესტაციები და სახალხო მიტინგები. არჩეულ იქნა აღმასრულებელი კომიტეტი.



— თფილისის ქალაქის საბჭომ დაადგინა მხარი დაუჭიროს ახალ მთავრობას, მოითხოვა პოლიტიკური ამნისტია, სიტყვისა დაბეჭდვისა და სხვ. თავისუფლებანი.

— ნიკოლოზ მეორემ მეფობაზე უარი სთქვა და ტახტიდან გადადგა. უარი განაცხადა აგრეთვე შვილის სახლითაც. მეფობა დაუთმო ძმის მიხეილ ალექსანდრესძეს.

— პეტროგრადში დაატუსაღეს ყოფილი შინაგან საქმეთა მინისტრი მაკლაკოვი, პეტროგრადის გარნიზონის კომენდანტი ხაბალოვი, ცნობილი შაფრაზმელი დუბროვინი, სახ. საბჭოს თავმჯდომარე შჩეგლოვიტოვი, შტიურმერი, კურლოვი, პროტოპოპოვი, დობროვოლსკი, და სხვები, ვინაც დროიანათ დამალვა ან გაპარვა ვერ მოასწრო.

— ყოფილი მეფისნაცვალი ნიკოლოზ ნიკოლოზისძე დაინიშნა რუსეთი ჯარების მთავარსარდლათ.

— დააპატიმრეს სახალხო განითლების მინისტრი კულჩიცი.

— რუსეთის ყოველი კუთხიდან დეპუტებით აცნობებენ აღმასრულებელ კომიტეტს, რომ ხალხი და ჯარი ახალ მთავრობას სულითა და გულით თანაუგრძნობს და მხარს დაუჭერენ შავ ძალებთან ბრძოლაში.

3 მარტი.

— რუსეთის სამეფო ტახტი დიდმთავარს, მიხეილ ალექსანდრესძესაც ემძიმა. მან უარი განაცხადა მეფობაზე, ვიდრე საყოველთაო, პირდაპირი დაფარული არჩევნებით არჩეული სრულიად რუსეთის დამფუძნებელი კრება არ გამოსთქვამს თავისს აზრს რუსეთში მომავალი მართვა-გამგეობის ფორმის შესახებ.

— მინისტრ კერენსკის განკარგულებით რუსეთის რევოლიუციის ბებიას ეკატერინე ბრეშკო-ბრეშკოვსკაიას ნება დართეს ციმბირიდან დაბრუნებისა.

— დეპუტატი როდჩიევი დაინიშნა ფინლიადის საქმეთა მინისტრათ.

4 მარტი

პეტროგრადში დააპატიმრეს ძველ მინისტრთა საბჭოს თავმჯდომარე გოლიცინი.

— სინოდის ახალმა ობერ პროკურორმა განკარგულება მოახდინა სინოდის სხდომის დარბაზიდან გაეტანათ მეფის ტახტი, როგორც სამბოლო თვითმპყრობელობისა

— მოსკოვში დიდის ამბით დაასაფლავეს რევოლიუციის გმირები: რატნიკოვი, მატკოვი და ურსო.

— იუსტიციის მინისტრის კერენსკის ბძანებით სამინისტროს სადგომი გასწმინდეს ნიკოლოზ მეორისა, მისი მეუღლისა და დიდი მთავრის სურათებისაგან. მოხელეებს ებძანათ არ ატარონ არავითარი ლენტები, ჩინები და ორდენები.

— დააპატიმრეს ციმბირის ამაწიოკებელი ცნობილი გენერალი რენენკამფი და დეპ. გერცენშტეინის მკვლეელი იურკვეიჰ კრასკოვსკი.

— პეტროგრადში გაიმართა სოც. რევოლიუციონერთა კონფერენცია, რომელმაც დაადგინა მხარი დაუჭიროს ახალ მთავრობას რეაქციასთან ბრძოლაში.

— გამოვიდა პირველი ნომერი სოციალ-დემოკრატიული გაზეთი „პრავდასი“, რომელსაც სცემს პარტიის ცენტრალური კომიტეტი.

— კერენსკის განკარგულებით საიდუმლო პოლიციისა და აგენტების მთელი არქივი ბურცევს გადასცეს.

— სარდალმა ბრუსილოვმა კიევისა და ოდეის სამხედრო ოლქების ჯარებ. უბძანა ახალ მთავრობას დემორჩილონ.

— მილიუკოვმა რადიო-დეპეშით აცნობ მთელ ქვეყანას რუსეთის წესყობილების განახლება და ახალი მთავრობის შედგენა.

— საფრანგეთის სოციალისტები მიესალმე რუსეთის რევოლიუციას.

— თფილისში შესდგა პირველი კრება მუშათა დეპუტატების საბჭოსი. არჩეულ იქნა აღმსრულებელი კომიტეტი. კომიტეტის თავმჯდომარე



აირჩიეს ნოე ჟორდანი, ამხანაგებათ, ერაძე და
ვესევი, მღვინათ ხანოიანი და ვ. ჟღენტი

5 მარტი.

საზოგადოებათა და ორგანიზაციების წარმომადგენელთაგან შესდგა საგუბერნიო სასურსათო კო-
იტეტი, რომელმაც აირჩია პრეზიდენტი. პრეზ.
აემჯდომარეთ აირჩიეს ნ. ზ. ელიავა იმის ამხანა-
გებათ კ. შემეტოვი და გ. კაფიევი.

— იუს. მინისტერმა განკარგულება მოახდინა
ესწყვიტონ რასპუტინის მოკვლის საქმე. თავად
უსუპოვსა და მთავარს დიმიტრის პავლეს ძეს ეც-
ობათ, რომ შეუძლიათ დაუბრკოლებლათ დაბრუნ-
ენ პეტროგრადში.

ახალი ობერ-პროკურორის ღვოვის განკარგუ-
ებით თანამდებობიდან გადააყენეს მიტროპოლი-
ენი პიტირიმი და მოსკოვის მაკარი.

— კერენსკიმ გაანთავისუფლა ფინლიანდიის
სეიმას თავმჯდომარე სვინხუეული და ბძანება გასცა
პატივით მიიყვანონ ის პეტროგრადში.

— დროებითა მრავლობამ გააუქმა საილუმლო
პოლიციის განყოფილება და ჟანდარმთა კორპუსი.

— მინისტ. საბჭოს თავმჯდომარემ ბძანება
გამოსცა თანამდებობიდან გადააყენონ ყველა გუბე-
რნატორები, ვიცეგუბერნატორები და პოლიცია.

— თფილისის გუბერნიის ჟანდარმთა უფროსი
თანამდებობიდან გადადგა და თავისი ხელქვეითი
მოსამსახურებიც დაითხოვა.

— ნაძალადევში გაიმართა დიდი სახალხო
მიტინგი, რომელზედაც ადგილობრივი ჯარები აფი-
ცრების თანხლებით დაესწრენ.

ყოველდღიური საპოლიტიკო, საეკონომიო და სალიტერატურო გაზეთი

„ს ბ ქ ბ რ თ ვ ე ლ ო“

ყოველკვირეულ სურათებთან დამატებით ღირს:

წლის წლით—15 მან, ნახევარის წლით—9 მან, ხანის თვით—5 მან., ერთის თვით—1 მ. 80 კაპ ფო-
სტით ერთი თვით გაზეთის გამოშვება არ იძნება.

წლიურ ხელის მოწერის ფასი შეიძლება ნაწილ-ნაწილად იქნას გარდახდილი უემდეგის წესით-
ის მოწერის დროს—7 მან; პირველ მარტისთვის 5 მან და პირველ იანვრისათვის 3 მან. ვისაც
იურად სურს გაზეთის გაწერა, ეს უნდა მოიხსენიოს პირველსავე ხელის მოწერის დროს. მისამარ-
კ გამოცვლისათვის ქალაქგარეთელმა ხელის მომწერმა უნდა წარმოადგინოს 50 კ. ფოსტის მარკა.
რედაქციის მისამართი: თბილისი, მოსკოვის ქ. № 4. ანუ ფოსტის ყუთი № 76 (ПОЧТ. ЯЩИКЪ № 76)

† რედაქტორი: ს. შანშიაშვილი.

ტორა ღიაა: დილით — 9-ან — 3 საათამდე, საღამოს — 5-ან — 7 საათამდე.

† გამომცემელი: ამხანაგობა
„საძარტველო“.



ყოველ-კვირული იუმორისტული გამოცემა

მეშმაკი

მიიღება ხელისმოწერა 1917 წლისათვის

ჟურნალის ფასი:	12 თვით	7 მ.	—
	6 თვით	4 მ.	— კ.
	3 თვით	2 მ.	— კ.
	1 თვით	—	70 კ.

ეშმაკის მათრახში დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვეთები და სხვა.

ჟურნალის სამხატვრო და სალიტერატურო მხარეს განაგებს ეშმაკი, სოლო გამოცემის სახმეს კანტორა „განათლება“

რედაქცია სთხოვს როგორც თანამშრომლებს, ისე ხელის მომწერლებს რომ მასალები და ფული ამ ადრესზე: გამოიგზავნონ Тифლისь, С. Р. Таварткиладзе, Ольгинская, 6 поч. ящ. № 96.

„თანამედროვე აზრი“

მიიღება ხელის მოწერა 1917 წლისათვის

ბაზეთი ღირს კომოკო თფილისში, ისე კომონციაში მთელი წლით 15 მანეთი, ნახევარი წლით 8 მ. სამი თვით 4 მან. 20 კაპ., ერთი თვით 1 მან. 40 კაპ.

გაზეთის ფასი ხელის მომწერლებმა წინდაწინ უნდა გადაიხადონ, ნისიათ არავის გაეკზავნება. ფოსტით ხელის მომწერლებმა ფული შემდეგი ადრესით უნდა გამოგზავნონ: Тифლისь, почтовый ящикъ № 199, Власію Малакіевичу Бохоадзе.

თფილისის ხელის მომწერლებმა ფული უნდა შეიტანონ კანტორა „განათლებაში“ ოფიცი კუჩა № 6.



ძველი, დამსახურებული მინისტრები მიდიან სხლოშიდ პეტრე-პავლე სსატუ-სადოში.